



Broj predmeta: 13-001745/19
Broj akta: 01.1-1141SM-0024/19
Datum, 16.10.2019. godine
Mjesto, Brčko

Na osnovu članova 16. i 17. Zakona o Vladi Brčko distrikta BiH („Službeni glasnik Brčko distrikta BiH“, broj: 22/18 – prečišćeni tekst, 49/18, 08/19 i 10/19), u skladu s članom 25. Zakona o javnim nabavkama („Službeni glasnik BiH“, broj 39/14), Zapisnika o pregledu i ocjeni ponuda, broj: 13-001745/19, broj akta: 02-0015AS-0018/19 od 30. 8. 2019. godine, Prijedloga Komisije za javne nabavke, broj: 13-001745/19, broj akta: 02-0024AK-0019/19 od 27. 9. 2019. godine, i Mišljenja Pravobranilaštva Brčko distrikta BiH, broj: M-927/19 od 15. 10. 2019. godine, gradonačelnik Brčko distrikta BiH d o n o s i

ODLUKU O IZBORU NAJPOVOLJNIJEG PONUĐAČA

Član 1.

U provedenom otvorenom postupku za nabavku građevinskih radova na izgradnji/rekonstrukciji 13 stambenih jedinica u Brčko distriktu BiH za potrebe Odjeljenja za raseljena lica, izbjeglice i stambena pitanja Vlade Brčko distrikta BiH, izabran je najpovoljniji ponuđač kojem se dodjeljuje ugovor.

Naziv najpovoljnijeg ponuđača je „**SETA INŽENJERING**“ d.o.o. Zavidovići.

Vrijednost ugovora bez uračunatog PDV-a iznosi

448.517,97 KM.

Obrazloženje

Komisija za nabavke je utvrdila da je do momenta koji je bio određen za krajnji rok za dostavu ponuda dostavljeno pet ponuda, ponuđača „Papilon“ d.o.o. Čelić, „Bijelić Gradnja“ d.o.o. Brčko, „Seta Inženjering“ d.o.o. Zavidovići, „Astra Plan“ d.o.o. Brčko i „Vinković“ d.o.o. Oštra Luka.

Sastavni dio odluke je zapisnik s otvaranja ponuda. Ponuđači su dostavili ponude koje su bile pripremljene i dostavljene na način propisan tenderskom dokumentacijom. Sve ponude ispunjavaju formalne uslove, prihvatljive su za ugovorni organ i mogu biti predmet vrednovanja. Komisija je izvršila tehničku evaluaciju kako bi procijenila ispunjenost tehničkih uslova propisanih tenderskom dokumentacijom u okviru ponuda koje ispunjavaju formalne uslove. Nakon analize ponuda i provjere sadržaja i validnosti priložene dokumentacije, Komisija je utvrdila da tehničke uslove propisane tenderskom dokumentacijom ispunjavaju ponude ponuđača „Papilon“ d.o.o. Čelić, „Seta Inženjering“ d.o.o. Zavidovići i „Vinković“ d.o.o. Oštra Luka.

Ponuda ponuđača „Bijelić Gradnja“ d.o.o. Brčko je ocijenjena neprihvatljivom jer ponuđač nije dokazao da ispunjava minimalne tehničke kvalifikacione kriterije koji se odnose na tačku 7.4.1. pod 1 tenderske dokumentacije – tehnička i profesionalna sposobnost – da je u prethodnih 5 godina izvršena uspješna realizacija najmanje 2 ugovora čiji su karakter i kompleksnost isti ili slični onima koji se odnose na predmet javne nabavke ukupne vrijednosti ugovora od minimalno 470.000,00 KM. Prema tački 7.4.2. pod 1 tenderske dokumentacije koji se odnosio na ocjenu tehničke i profesionalne sposobnosti ponuđača ocjena se vršila na osnovu dokumenata – spiska izvršenih ugovora – uz potvrdu

o njihovoj realizaciji koju daje druga ugovorna strana. Dostavljen je spisak izvršenih ugovora i dvije potvrde o uspješnoj realizaciji 2 ugovora i to jedna potvrda koja je prihvatljiva, i druga potvrda koju je sam ponuđač izdao, gdje je bio investitor i izvođač, dakle nema druge ugovorne strane, te se takva potvrda ne može prihvatiti. Na osnovu navedenog predmetna ponuda je odbijena kao neprihvatljiva.

Ponuđač „Astra Plan“ d.o.o. Brčko nije dostavio prihvatljivu ponudu jer nije dokazao kvalifikacione uslove zahtijevane tenderskom dokumentacijom zato što je tačkom 7.3.1. traženo je da se dostave bilansi uspjeha za 2017. i 2018. godinu. Ponuđač nije dostavio traženi bilans uspjeha za 2018. godinu, nego je dostavio dvije kopije bilansa uspjeha za 2017. godinu. Na osnovu navedenog ponuda je odbijena kao neprihvatljiva.

Izvršena je računaska kontrola prihvatljivih ponuda i ustanovljeno je postojanje računskih grešaka pa je zahtijevano dostavljanje saglasnosti na ispravku od strane ponuđača „Papilon“ d.o.o. Čelić, „Seta Inženjering“ d.o.o. Zavidovići i „Vinković“ d.o.o. Oštra Luka koje su i dostavljene. Komisija za nabavke je na osnovu kriterija najniže cijene dostavila preporuku o izboru najpovoljnijeg ponuđača.

Član 2.

Postupak je proveden na osnovu Posebne odluke o pokretanju postupka javne nabavke, broj: 13-001745/19, broj akta: 01.1-1141SM-001/19 od 18. 6. 2019. godine, Obavještenjem o nabavci na portalu javnih nabavki, broj: 1157-1-381-3-338/19 od 8. 7. 2019. godine, Ispravka obavještenja o nabavci: 1157-1-3-381-8-344/19, predmjerom radova u vezi sa Tenderskom dokumentacijom, broj: 13-001745/19 i ponudom najpovoljnijeg ponuđača.

Član 3.

Finansiranje navedene nabavke će se izvršiti na osnovu Okvirnog sporazuma zaključenog između Razvojnog banke Vijeća Evrope (RBVE) i Bosne i Hercegovine za Regionalni stambeni program – Sporazum o grantu za provođenje Podprojekta DPSZ BiH4.

Član 4.

Ova odluka stupa na snagu danom donošenja.

POUKA O PRAVNOM LIJEKU

Protiv ove odluke zainteresovane strane imaju pravo podnijeti pismenu žalbu Uredu za žalbe BiH putem ugovornog organa, dostavljanjem žalbe u najmanje tri primjerka u Odjeljenje za stručne i administrativne poslove, Pododjeljenje za javne nabavke Vlade Brčko distrikta BiH, u roku od 10 dana od dana prijema odluke.

DOSTAVLJENO:

1. Pododjeljenju za javne nabavke,
2. Ponuđačima,
3. Odjeljenju za raseljena lica, izbjeglice i stambena pitanja,
4. Gradonačelniku,
5. Zamjeniku gradonačelnika,
6. „Službenom glasniku Brčko distrikta BiH“,
7. Arhivi.

